

DATANGMUZHI
SHUFA JINGXUAN

大唐墓志书法精选

◎何炳武 主编

中国出版集团

世界图书出版公司

阿史那忠
安元寿
墓志

◎陕西省古籍整理办公室
陕西省社会科学院
编

大唐墓志书法精选

◎何炳武 主编

陕西省古籍整理办公室
陕西省社会科学学院 编

阿史那忠
安元寿
墓志

世界图书出版公司
西安 北京 上海 广州

图书在版编目(CIP)数据

大唐墓志书法精选. 阿史那忠、安元寿墓志/何炳武主编. —西安: 世界图书出版西安有限公司, 2011.8

ISBN 978-7-5100-3671-2

I. ①大… II. ①何… III. ①汉字—碑贴—中国—唐代
IV. ①J292.24

中国版本图书馆CIP数据核字(2011)第134697号

《大唐墓志书法精选》编委会

主 任 杨尚勤

编 委 杨尚勤 洪援朝 石 英 刘卫民

何炳武 吴敏霞 牛涇民

《大唐墓志书法精选》编辑部

主 编 何炳武

编 辑 何炳武 吴敏霞 牛涇民 朱淑玲

阿史那忠 安元寿墓志

主 编 何炳武
责任编辑 焦毓本
视觉设计 诗风文化

出版发行 世界图书出版西安有限公司
地 址 西安市北大街85号
邮 编 710003
电 话 029-87214941 87233647(市场营销部)
029-87232980(总编室)
传 真 029-87279675
经 销 全国各地新华书店、外文书店
印 刷 陕西金德佳印务有限公司
开 本 850×1168 1/16
印 张 7.25

版 次 2011年8月第1版 2011年8月第1次印刷
书 号 ISBN 978-7-5100-3671-2
定 价 28.00元

☆ 如有印装错误, 请寄回本公司更换 ☆

目录 MULU

阿史那忠墓志

阿史那忠墓志简介 5

阿史那忠墓志释文 5

阿史那忠墓志正文 9

安元寿墓志

安元寿墓志简介 67

安元寿墓志释文 67

安元寿墓志正文 69

大唐墓志书法精选

阿史那忠墓志

阿史那忠墓志简介

唐上元二年（675）十月十五日葬。1972年6月出土于陕西礼泉县烟霞乡西周村西南约50米处阿史那忠墓中，石现藏昭陵博物馆，陕西省古籍整理办公室藏拓。志、盖均呈正方形，边长均76.5厘米、厚15.5厘米。志及盖四周与四刹均饰以缠枝花纹。盖文6行，满行5字，篆书“大唐故右骁卫大将军赠荆州大都督上柱国薛国公阿史那贞公墓志之铭”；志文44行，满行44字，楷书。崔行功撰文。志主阿史那忠，唐时东突厥人，字义节。阿史那苏之子。以功擢左屯卫将军。尚宗室女定襄县主，赐名忠，诏单姓史。封薛国公，擢右骁卫大将军。宿卫48年，无纤隙，人比之金日磾。卒谥贞。两《唐书》有传。志文对阿史那忠功业叙述比两《唐书》要详细，此外，志文对阿史那忠夫人定襄县主之族系和阿史那忠子暕之官职等叙述，均可与史籍记载互补。盖文书体为阳文，在昭陵诸墓志盖中，并不多见，其篆书仿摹古体，美妙多姿，绚丽斑斓，整齐对称，变化微妙。志文楷书姿美秀丽，结体严谨。篆书和楷书相映成辉，反映了唐代达官贵人在丧葬礼仪中对志文书写者品位是极为重视的。

阿史那忠墓志释文

唐故右骁卫大将军兼检校羽林军赠镇军大将军荆州大都督上柱国薛国公阿史那贞公墓志铭并序

公讳忠，字义节，其先代人，今为京兆之万年人也。若夫玄珪拱揖，有夏之苗裔克昌；绿车见迎，盛汉之内戚恩重。帝系绵远，受氏灵长。铸鼎余业，椒房令绪。三古不忘，六藉斯著。曾祖大原，祖邕周，并本国可汗。自晋氏浮江，魏朝入洛，溟海南绝，天街北临，灵命有归，代雄朔野。玉门金丘之下，咸申贄幣；榆关柳塞之阴，并从疆理。父苏，左骁卫大将军、宁州都督、怀德元王，英姿天挺，伟量杰出。皇唐启运，圣武君临。掩顿八紘，囊括四海。王早图去就，预辩兴亡。归诚真主，遂荷恩渥。拟宋开国，非刘而王。公河岳毓灵，辰象流庆。克岐克嶷之性，然于所然；事君事亲之方，得于自得。瑰材体峻，绝节神凝。双戟两鞬之奇，占风视日之秘。谷城黄石，暗入于兵符；南林白猿，遥传于剑术。武德之日，元王结款太宗，公时则绮襦，早蒙谒见。及贞观云始，塞北乖离，公诱执颉利可汗而以归国，蒙加宠命，授左屯卫

将军。年踰志学，遂参禁卫。寻降穠华，婚定襄县主，赐以甲第，赏眄特隆。又加上护军，用奖戎秩。元王薨背，哀穷荼蓼。金革为重，有诏权夺。复居本职。服阕，袭封薛国公。新秦临边，控带戎夏。十一年内，检校长州都督。圣驾雷动，问罪东夷，公衔命风驰，慰抚西域。旌悬瀚泽，骑越葱河。处月焉耆，共稽王略，公扬威电击，诸戎瓦解。前庭宝马，驱入阳关；属宾飞鸾，将充禁籞。辽东奉见，诏隆奖饰。仍授上柱国。侍辇幽燕，言过汾晋。于时延陀犯塞，羽檄纷然。公驰驿赴救，事宁而返。蜂蚁复集，风尘大惊。诏率前军，应时摧殄。延陀遂灭，漠北以空。迁右武卫大将军，赐金银器物十事、缯綵五百匹、钱廿万。林父克狄，方赐家臣；魏绛和戎，亦分金奏。太宗晏驾，攀髯靡及。送往事居，情礼兼遂。蒙委心腹，屯兵禁苑。陵墓事终，解严复职。自今上居极，恩遇弥重。永徽中，丁太妃艰，不堪号慕。降旨哀譬，仍令起服，为左武卫大将军，寻迁右骁卫大将军。属兴师辽碣，以公为使持节长岑道行军大总管。元戎长驱，天威遐畅。三山因之而波荡，九种以之而震惊。契丹在白狼之东，居黄龙之右，近侵卉服，外结鸟夷。公回师诛翦，应机殄灭。虏获万计，三军无私。蒙赏缣帛，仍于羽林军检校。钩陈之对南宫，羽林之通北落，心膂之切，惟公是先。总章元年，吐蕃入寇，拜使持节青海道行军大总管。长策远振，群凶窜迹。武贤不捷，充国徒淹。西海诸蕃，经途万里，而有弓月扇动，吐蕃侵逼，延寿莫制，会宗告窘，以公为西域道安抚大使，兼行军大总管。公问望著于遐迩，信义行乎夷狄。飡士丹丘之上，饮马瑶池之滨。夸父惊其已远，章亥推其不逮。范文后入，情不论功；冯异却坐，事非饰让。奉跸东京，承颜北阙。鬼神多爽，苍旻不惠。汉帝玉盃，余欢未绝；魏君丸药，仙气无徵。暴疾遂兴，奄然捐馆。以上元二年五月二十四日，薨于洛阳尚善里之私第，春秋六十有五。呜呼哀哉！圣情震悼，朝伦惊嗟。吴汉云亡，延笃述其天宠；李广长逝，史迁言其遗悲。自于初终，及之殒殒，中使频降，赠襚隆厚。诏曰：故右骁卫大将军阿史那忠，貔貅是□，□任于专征；心膂攸资，寄深于御侮。匪躬之操，在暮齿而弥隆；奉上之诚，历岁寒而逾劬。而光阴不驻，舟壑遽迁。宜被哀荣，式旌幽壤。可赠镇军大将军、使持节大都督荆岳硤朗等四州诸军事、荆州刺史，余并如故。赙绢布七百段、米粟七百石，赐东园秘器，凶事葬事并宜官给，务从优厚，仍陪葬昭陵，仪仗送至墓所往还。惟公天然爱敬，纵情融朗。未学而学，求仁则仁。昔在幼年，早逢多故。见几而作，立事非常。遂得寄切兰锜，礼华蓁叶。东征北伐，西抚南驰，经营四方，远咏三捷。在其宽乃容众，信必覆言。驱策两朝，周旋四纪。兰池近出，便侍玉舆；长杨骑归，常参罗荐。若其御沟通水，上路开扉，六佾分行，驷铁齐首。秋天露早，春日风初。每惆怅于宾筵，时留连于酒德。高朗令终之美，启手启足之规，垂之话言，事先俭薄。夫人渤海李氏，隋户部尚书雄之孙、齐王友珉之女。母京兆韦氏，郕国公孝宽之孙、陈州刺史圆成之女。夫人又纪王慎之同母姊也。椒庭藉宠，□封定襄县主，诏以妻公焉。宋鲤齐鲂，金声玉润。

仙露俄尽，神香不然。昔以永徽四年薨，先葬于昭陵之下。子太子仆暕等，门绪高华，风仪秀逸。天资孝友，习兼文艺。创巨潜及，穹苍莫追。粤以上元二年岁次乙亥十月辛未朔十五日乙酉，奉迁灵柩，合葬于昭陵之茔，谥曰贞，礼也。呜呼哀哉！展灵骖于关谷，托遗荣于□墓。指毕陌而超遥，辞洛城而顾步。气清蝉晚，秋深雁度。怨湘水之微澜，悲谷林之踈树。尚屯骑士，方成武库。唯□德而可传，亦何人而不故。其词曰：

烛龙光远，毕昴星悬。柳塞□地，葱河隔天。抗衡轩日，战胜周年。崇基偃蹇，夔绪蝉联。乃降精灵，是生奇杰。九飞鼇羽，千里浴血。因心孝慈，克己□节。卫律初死，休屠新天。言归凤阙，遂叶龙颜。上肃云扆，仰排星关。朝鲜旆入，踈勒麾还。蹊谣广树，槛谏云攀。羽林营近，便门輶出。雍时驱麋，渭桥先辟。讽疑役鬼，心惊触瑟。酿玉欢长，筵罗宴密。树接小苑，门向厨城。池含秋色，鸟变春声。云过钿黛，风杂丝笙。蜉蝣可薄，蟋蟀无轻。高明必瞰，仁智同泯。秦穆亦然，鲁声忽尽。礼缘恩缙，旒随痛軫。庐山坟高，玄甲阵引。魂归八水，路入三湘。紫气龙匣，白云帝乡。山河悽断，原隰芸黄。千秋兮万恨，泉深兮水长。

秘书少监清河崔行功撰

唐故右驍衛大將
軍兼檢校羽林軍
贈鎮軍大將軍荊
州大都督上柱國
薛國公阿史那貞

公墓誌銘并序

公諱忠字義節其
先代人今為京北
之萬年人也若夫
玄珪拱揖有夏之

苗裔克昌綠車見

迎盛漢之內戚恩

重碑系縣遠受氏

靈長鑄鼎餘業樹

房令緒三古不忘

六藉斯著曾祖大
原祖豈周並本國
可汗自晉氏浮江
魏朝入洛溟海南
絕天街北臨靈命

有歸代雄翔野玉
門金丘之下咸申
輶幣榆關柳塞之
陰並從疆理父蘇
左驍衛大將軍寧